

Комсомолонь Вайгяль

ЛИСЕНЬДИ III-це КИЗОСЬ

Мокшэрзянь ВЛКСМ-нь

обкомть и Саранскаень

горкомть газетасна

Адрессь: г. Саранск, ул. Ленина 9
Телефон № 1-72.

14

МАРТСТА
1936 КИЗОНЯ
30 (276) №

Лисеньди ковти 12-кеть

Национальный республикань и областень трудяй стирнянь и од авань с'ездтнень итогонь колга ВЛКСМ-нь Центральной комитетть пугфксон

Национальный республикань и областень трудяй стирнянь и од авань йотафт с'ездна ульсть фкя инь ошю мероприятиякс трудяй стирнянь и од авань организавандамасот и советской властть и ВКП(б)-ть перф пуроптомасот комсомолть работасонза. Ня с'ездтнень значениясна ащи сян эса, што снх макссть партийнай и комсомольской организациятнень возможность таргамс социалистической строительстваса нинге сядя активная участвовандама национальной республикань и областень трудяй од ломанень сембедонга кели слыхнень. 7.000-да лама делегаткынь, конат кочкесфт колхозга, предприятия и районнай конференциява, стирнянь и од авань пуромксень эса, участвовандамасна, 200 000-да лама од авань эсь делегатсон кочкама ас ас участвовандамасна макссть ня с'ездтнень национальный республикань и областень эряфсост пак ошю политической событиянь значение.

Национальный республикань и областень трудяй стирнянь и од авань с'ездтне няфтезь сембе трудяйхненьди нят сатфксень, конатнень советской властсь сатозень национальной республикань и областень эзга аватнень фактическойста воляс нолдамасот, снх сире пингонь феодально-бытовой и религиознай пережиткынь влияниясон алда лифтемасот. С'ездтнень работаса активнай работникнень, промышленностень, транспортнень, велень хозяйствань передовой ударницань, а стян жа национальной республикань и областень трудяй стирнянь и од авань эзда инженерхнень, врачнень, педагогтнень, агрономтнень участиясна няфтихть сян, што пак ламода кассь стирнянь и од авань активностсна и политической сознательностсна.

Трудяй стирнянь и од авань с'ездтне, конатнень эса ульсть Советской Социалистической Республикань эса эряй-сембе национальностень представительницат, няфтезь Советской Социалистической республикань Союзть эса эряй народтнень кол сядя касы и кемокстай дружбагон, советской властть и Ленинонь-Сталинонь партиясон перф снх пуромомасон. ВЛКСМ-нь ЦК-сь башка удовлетворения мархта азонцы, што национальной республикань и областень передовой стирнянь няфнесазь эсь прясон кода видефонь борет колхознай строить касфтоманц и кемокстаманц инкса, сатфкс мархта тоначнесазь физкультурнай, стрелковой и парашютнай тевть, а кой-конат снх эздост арасть летчицакс.

Трудяй стирнянь и од авань с'ездтне лездсть комсомольской организациятнень касомасонды передовой стирнянь счотса, снх йоткост комсомолонь активнай работниконь выдвижения и воспитания. Сембень тьянь вельде, руководящай комсомольской оргат-

тнень йотафт отчетно-перевыборнай кампаниясон пингста первичнай организациянь комитетонь секретархнень, комсоргтнень и группортнень составса комсомолкынь лувкссна кассь кафтонь крда-да сядя ламос.

Нят с'ездтне пущь партийнай, советской и комсомольской организациятнень инголи лама кизефкт трудяй авань од ломаттнень культурнай, политической и бытовой обслуживаниясон инкса сембе организациятнень эса работать цебяргофтоманц колга.

С'ездтне видеста няфтезь, што национальной республикань и областень комсомольской организациянь лама руководителхть аф вятихть энергичнай тюрема нингя лядф феодально-родовой пережиткынь каршес авати отношени-ят колга, йотнихть авати праванзонколга советской законодательствать нарушандакшнеманц вакса, и, мезе сембеда нетерпимайсь, мзярда кой-кона комсомолесне снх лифтихть авати недопустимай отношени-е (аф мярьгондихть эсь авасонды участиянь примосевода общественной работаса, аф нолясаз то-нафнеме); лама комсомолонь комитетт аф шарфнихть сатомшка мьяль трудяй одаватнень культурнай и бытовой нуждасон шири.

С'ездтне няфтезь, што национальный республикань комсомольской организациятнень и снх руководителсон работасот ащи прокс аф удовлетворительнай тюремась аф грамотностть и малограмотностть машфтоманц инкса од аватнень культурно-политической и общей образованиясон кеподеманц инкса, што сембе политико-воспитательнай работась нингя пак ламода лядонды трудяй авань одломаттнень касы запроссон эзда и снх касы политической активностисон эзда.

Шарфнемок пак ошю мьяль трудяй авань од ломаттнень с'ездсон эса примаф пугфксень сатфкс мархта эряфс йотафтоманц ланкс, ВЛКСМ-нь ЦК-сь мярьгонди ВЛКСМ-нь обкомтненьди, крайкомтненьди и национальной республикань КСМ-нь ЦК-тненьди йотафтомс 1936-це кизонь майть 1-це шини самс трудяй авань од ломаттнень с'ездонь решениясон эряфс йотафтомасон колга проверка, пугтомс нацреспубликань КСМ-нь ЦК-тнень, крайкомтнень и обкомтнень очередной пленумсост комсомольской организациятнень руководителсон отчетнай докладсон, а тяфтажа Наркомпросонь, Наркомздравонь и прокуратурань оргаттнень докладсон.

С'ездонь решениятнень пашкодкшнемасон инкса результаттнень колга майть 15-це шини самс пачфтемс куля ВЛКСМ-нь ЦК-в.

ВЛКСМ-нь ЦК-сь.

Максомс школатненьди сатомшка топлива

Райисполкомонь, ошень и велень советонь сембе
председательхненьди

ВЦИК сь и СНК-сь 1934-це кизонь мартть 10-це шистонз лифтьф эсь пугфксост пущь персональной ответственность школатнень эса занятиятнень мольфтемаса уважительнай туфталфтома перерывфнень инкса велень и ошень советонь председателхнень лангс. Минь республикасонк кой-кона школатнень работаса эряхть 2-3 ши перерывт сяс, мес аф эряхть пенгати лия топлива (Теньгушевань, Ардатовань, Ромодановань райоттнень эса). Тя корхтай сян колга, што вельсоветонь кой-кона председателхне аф аныцек ашест ушед работа 1936-1937-це тонафнема кизоньди топливань ускемаса (конань теест эряволь тиемс правительствать решениянц коряс апрельть 1-це шини), но и няфцть йофси аф нолдавомшка отношени-е школати, конань сюнеда сяс мес аш пенгати сязендеветь школаса занятиятне. Райисполкомнаешезь обеспеченда правительствать тя пак важнай директиванц

пашкодеманти проверкат. МАССР-нь ЦИК-ть президиумон мярьгонди сембе райисполкомтненьди, ошень и велень советтненьди:

Райисполкомтнень президиумсон маластон заседаниясост и советтнень пленумсост кулхончнемс докладт школатонень пенгаса снабжениясон и 1936—1937-це тонафнема кизоньди топливань ускемать колга. обеспечендакшнемс маластон шитьнень пингста, шода вельть ушедомс, сян штоба марнек ускомс сембе пенгатынень школатненьди 1936-1937-це тонафнема кизонь сембе отопительнай сезонти.

Наркомпрости и сонь вастонь органошонды лядямс оперативнай наблюдение топливань ускемать моламанти мьяльга.

МАССР-нь ЦИК-ть председателец Н. Сурдин.

ЦИК-ть секретарец П. Мурзакаев Мартть 11-це шиста 1936-це кизоня. Саранск ош.

Омба масторга

Локарнань участник державатьнень конференциясна

Париж, 10. Локарнский договорса участиянь примис державатьнень конференциясна, ульсь йотафтф Парижса тяти шовдава иностраннай тевонь министрстваса. Конференцияса ульсть: бельгийский премьерсь Ван Зееландсь, Парижса бельгийский посолсь Каркове де Дентерген, англиянь иностраннай тевонь министрсь Иденць, лорд-печатень хранительсь Галифакссь, Парижса английской посолсь Клеркс, итальянской посолсь Чер

рутись, франциянь иностраннай тевонь министрсь Фланденць, французский министрсь Поль Бонкурсь, и франциянь иностраннай тевонь министрствань генеральной секретарсь Лежесь.

Конференциясь молень колмошка част. Печатьти максф сообщени-яса корхтати: Фланденць азозе, што конференциясь кирьди цель—полафтомс информацияса и точнай гофтомс положениать.

Сарроть декларацияц

Париж, 10. Тяти французский правительствать главац Саррось выступил депутаттнень палатаса декларация мархта.

Декларацияса корхтати, што Германиять мархта локарнской договорть калафтомац тийсь пак сложнай и стака обстановка. Декларациясь няфнесы, што, аф ваномок сян лангс, што Германиясь корхтай бта Рейнскый зонать оккупацияц кармай каннема чиста символической характер, тя оккупациясь тийфоль 30 батальонда лама пехотаса-и артиллерияса. Предлогокс, конань Германиясь кочказе эсь актонцты, арась аф кунада Франциять и Советской Союзть йоткса фкя фкяньди лезксонь максомать колга договоронь аф кунара тиемась. Однако германиянь правительствась лувозе цебареньди действовандамс фкя ширьдень актть мархта, калафтозень нят обязательстватьнень, конатнень сон эсь воля сязновдезень лангозонза локарнский договорть коряс, и пугозе Франциять лисьф факть инголи.

Франциясь макссесы тя кизефктсь Лига нацияти сян ингса, штоба ванфтомс европейской мирть и коллективной безопасностть буду-

щаенц.

„Кда корхтамс минь колганок, — азондови декларацияса, — то минь макссесась Лига нациять распоряженияс сембе эсь моральной и материальной виеньконь сян ингса, штоба аф повомс (избежать) аф петевомшка несчастья аныцек фкя условиянь пингста, штоба мирть инкса тя тюремасон минь мархтонок молельхть сят, кие сяссь эсь лангозонза формальной обязательствас Локарнской договорть коряс. Минь кемоста надиякшнетяма, што Лига нациянь сембе участникне эсь средствасон коряс эсь обязательствасон лангс ваномок кармайхть тюрема минь ширесонк ся идеаль ингса, конань мархта снх солидарнайхть“.

Декларациясь шашфнесы шири возможность сянди, штоба мльфтемс переговорхт Германиять мархта тиянень пингть и тиянень условиятнень эса, сяс мес „Франциясь не может мольфтемс переговорхт насилиян угрозат ала“. Франциясь анок вятемс переговорхт, Германиять мархта аныцек эста, мзярда международнай законттненьди уважениясь ули неки ладяф.



Тиемс порядок комсомольскый хозяйствати

Комсомольской руководящей организационной отчетно-перевыборной кампании снос йотафтомат Атяшев, Торбеев, Ковылкин, Шайгов, Ичалкань и Березников райкомтень эса лихтьф оцю запущенность комсомольской хозяйстваса, анархия произвол комсомолечень учетснот вятемаса.

Атяшев районца аф аныцек комсомолечень учетснот, но и первичной организационной учетснот статистической отчетснот коряс няфневсь аф видеста.

Статотчетт коряс 1936 кизонь январь 1-це шиниты лувондови 681 комсомолец. Видекс жа организационная аныцек 552 ломатъ, а иляды 129 комсомолечне организационная ашет.

Киржеманской первичной организационной райкомт списканзон коряс лувондови 5 комсомолец, а видекс организационная иляды 1 комсомолец.

С. Баевской первичной организационной лувондови 7 ломатъ, а видекс иляды 1 ломань. Максим Горькайт лемса колхозной организационной райкомса лувондовитъ 11 ломатъ, а видекс иляды аныцек 2 ломатъ.

Отчетно-перевыборной кампании йотафтомат колга районной и планово-тиемса комсомолонь райкомт секретарец Рогожин, ащеком райкомса, планировандась йотафтомс отчетно-перевыборной пуромкст 63 организационная, а мзярда тусь якама первичной организационной эзга, 11 первичной организационной эзга перевыборхт ашель кинь мархта йотафтомс, а комсомолонь райкомт секретарец Рогожин ялгась, тиемок план кода няеви, изь интересованда организационной эзга комсомолечне мархта.

Райкомса лувондовитъ 63 ломань, кода мзяргондовитъ „мертвай душат“, но кодамовок мерат апакт примакт сянь инкса, штоба вешемс ащема вастсон ня комсомолечне и тиемс порядок синь личной тевсонды.

Тя запущенность и организационная комсомолечне аф содамасна пачкольсь сяньди, што Б. Мамышской первичной организационной комсоргокс ульсь кочкаф аф союзной ломань—Ютевсь.

Ичалкань районца 190 личной карточкада лама печатьфтепт и нльне подписьфтепт, аф ваномок сянь лангс, што ламотне синь эздост, нят комсомолечне, комсомолу примафт тяка жа районца.

Ковылкин районца сьормадфт карточкат (Копыловти и Милюкина ти „Броневи колхозста, Шлыковати „Ударник“ колхозста, Бибишвети—„Передовик“ колхозста) конат йоффикс комсомолу ашест сусе и комсомолса мзярдонга ашест аще.

Тя беспорядокс, произволс и хаосс комсомольской хозяйстваса, азончнени аныцек политической близости и безответственной отношених мархта.

Отчетно-перевыборной кампании кеподезе комсомольской масатнень активностснот, эрви тя активностснь теряфтомс комсомольской документтень порядокс тиемсон инкса. Эрв комсомолецт ширде эсь организационной инкса кеподф ответственностснь чувствась, кемоктамс и всемерно кепсемс ся мархта, штоба аф максимум возможность фкявок проходимо-ценди воспользовандас организационной распущенностс мархта башка комсомольской организационной эса.

Борисов.

ИЗВЕЩЕНИЕ

Лама областной и краевой комсомольской организационной вешфкснот коряс комсомолт Х-це с'ездонц панжемац переноситс 1936-це кизонь апрельт 10-це шиниты.

ВЛКСМ-нь ЦК-сь

Минь странасонк трудяи од ломатне дятельнайста аноклайхть комсомолт 10-це с'ездонц панжеманиты.

Мерв ошнь комсомолечне (Туркмения) колхозной комсомольской организационной лездом комсомолонь 10-це с'ездти анокламаса организовандась специальной агит-колонна, конатненьди максфт 3 автомашинат районца колхознень эзга якамс.

СНИМКАСА: агитбригадникс Саларов ялгась педтехникумонь студент, „Джемшет“ колхозонь од ломатненьди луви ВЛКСМ-нь ЦК-ть обращенияи.

Пингя ни ладямс лувом кудтнень работасна

ВЛКСМ-нь ЦК-ть Х-це пленумонц решениясонз паяк ульсь сьормаф кизефкссь лувом кудтнень и якстерь уженятнень работа снот колга. Решеният эса азф, што комсомольской организационной эрви эсь сембеда паяк ошо мялсна шарфтомс культурной учреждениятнень работаснот образцовайста ладямаснот ланкс, сатомс сянь, штоба сембе лувом кудтне и якстерь уженятне улельхть ладяфт надлежащай порядокс. Но

нят элементарной требованияхтнень Порокина вельсоветонь руководителхне, (Березникань р-н) аф ваномок сянь ланкс, што вельсоветонь председателхс работай комсомолец Паракшинц, изезь шархкодъ ни тяниень пинкть самс аф пашкодхкшнесаз ВЛКСМ-нь ЦК-ть Х-це пленумонц решениянзон. Порокинаста аф курок муят кодамовок газетат аф вельсоветста, аф лувом кудста, аш газетат и колхозонь правлениясонга.

Бух.

ВСФК-ть президиумса

Мартт 9-це шистонза ульсь йотаффт МАССР-нь ВСФК-ть президиумонц заседанияи. Президиумс умонц лама интересной спортивной мероприятия, кепетьксонди, тядень кизонь сезонста арьсекшневи ялга ласькома (пеший пробег) Саранскайста—Москуву, коса примахть участие инь цебарь легкоатлетне.

рельт 1-це шистонза, республиканскай шахматно-шашечной турнирт панжеманц колга. Тякажа президиумса лифтьф решение, Мордовиян инь цебарь лыжницат—Будаеват каземанц колга, конац сембесонзной соревнованияхтнень эса Ленинградса 5 километрань кувалма лыжаса ласькомаса занязе омбоце вастть.

К.

Президиумс лифтьф решение, ап-

ВИАРД

ШОВДА ВЕСТА*)

Пьеса 4 действияса, 6 картинаса

(4-це действия пец)

Костярьс.—Матя, удат? А Матя? Матяньс тийсь удикс-ашезь от-вещи. Кфчадсь йондол. Матяньс меки ния кудсост ломатт.

Луша баба.—Матодовсь милай-нясь, чей ши шишка ласьконди-ласьконди...

Львовсь.—Мон мзярксть аф йотан, а синь „кяши нярь“ атяснот мархта налкхсхть... Ну, вот, заводть кровястеманц тяти, пожалуй, эрви кадомс, а вов прудсна эрви сяземс.

Параж Алеша.—А ули ли сянь пользац, Сергей Степаньч?

Львовсь.—Именна ули пользац. Тинь думандадовака, Алексей Спиридонович, кда минь прудть теест кадсаськ, значит синь сьоксендася вихть ниле тьожатть килаграмм свежай кал. Содасаст тинь тоса мзяра ярмакта?.. Права, тяде меле сембе сувайхть колхозу.

Афсодань алясь.—А пожалуй виденц корхтай.

Параж Алеша.—Сонь прят вдь-шкаен прят.

Торай атам.—Тинь норада ингели

Львовсь.—Тинь норада ингели

*) Ушедксонц ваност январь-февраль коновь №№-эзда.

шнамс. Мон вдь азонца эсь мяле зень, мезе эрви тиемс. Мон думандан прудть сяземс тяде цебарь ве аф мутама.

Боголюбовсь.—И виде, шкайс максы пиземня... И синьца жа мзяргихть: „сязезе прудть“...

Костя.—А крауляйснот коза?

Львовсь.—Тоза, коза и Суркинц тусь... Фкя узерь шов и-туй-калонзон мархта...

Афсодань алясь.—Да, да, именна эрви тиемс стания, штоба шум аф тиемс. Но кода теенза нежедемс? Мон сонь содаса, сон атясь боевой.

Львовсь.—Теенза эрви нежедемс официална, бта варжамонза мольтф и... каймс сяда ладняс. А весь тяти шовда-фкявок шайтан тоза аф моли.

Луша баба.—Сергей Степаньч, а кда...

Львовсь.—Тон норак, Луша бабай...Тон, пожалуй, арта тятса саворне куду, теить тятса сякокс аш мезе тиендемс. Костя, лихтька тон сонь.

Луша баба.—Ну, ина прощайте.

Луша баба и Костя лиссть.

Параж Алеша.—Мон думандан

учемс эрви пиземть тумач.

Торай атам.—Йондол. Матяньс салаван ванонды.

Афсодань алясь.—Да, да, аныцек путерьдема кармаи и тумс.

Сувань Костя, кядьсонза нафта кшнник каймт и узерь.

Львовсь.—Ну, значит стания, тятялгати эрви тожа тятса тумс, минь соньфетмонга тийсаськ, ато вдь ла моненза тапарвомс можна.

Параж Алеша.—Мон ина молян сонь прважаса.

Афсодань алясь прощандась кудстнень мархта и Параж Алеша мархта лиссть.

Костя.—Учендомс аш мезь... Мольтяма колмонек, да?

Львовсь.—Да, колмонек. Минь нежедьтума сонь кошенцы, кда улы, то удомань пачк, а кда васьфть самазь, то...васенда срхкатама корхнема, и ся йоткова фталда... Тоса кафта кшнник каймоса...Ну, тумя Торай атам. Кфчий йондол. Костя прощанлай Костярьс мархта. Костярьс и Боголюбовсь озондыхть.

Костя.—(Урьванцты) Аре лить прважамонк.

Львовсь.—(Костяньди). Тон навсакый случай сязка лясемать. Атон (Боголюбовти) мес трнатат? Завхоз!

Боголюбовсь.—Пелян, Сергей Степаньч.

Пауза. Костя зепозонза путсь револьвер. Торай атам. Кудста сембе лиссть. Матяньс вишь-кста стясь васцтонза и йорась

пешкодмда „тярай. пале валонц лангс лоткась. Кфчий йондол.

Матяньс.—Ой, мезе тиемс? (Чуть аф аварьди). Синь шавсазь Степа атязень... (йорась ласькомда кенкшть шири, но мрдась меки). Тятса моньценъ ниясамазь. Ой, мес пелян, пионеран, а пелян... (Врьгядсь вальмати, торазевсь атам и кфчадсь йондол, Матяньс меки потась фталу) Д мес Фитавок аш?.. Мезе тиемс?.. Мон пионеран и максонь вал... Эрви пачфтемс скорей куля! Фитаньди скорей, Фитаньди молян.

Лиссь вельмава.

Занавес

ОМБОЦЕ КАРТИНАСЬ

Сяка жа весь. Ляй. Кальнат. Кош. Янафты Степа атя. Кядьсонза рунья. Кфчий йондол, торай атам.

Степа атя.—Ну и кяши нярь атам, сик калнатнень эса эйфни... Кда содалиня ули лангсонза правитель, вандыкиге максонь ба заявление, штоба овсталець сонь тоса!

Йондол и ви атам.

Степа атя.—Фу, кодама кяжи!.. Мон вов колхозникан, а ладс вдь нинга афсодаса, кие тоса орупует... Кодак сайхть ванды пилакерхне, так инголет и путса: „азость, мезе стамсь йондолсь и атамсь“?.. Ого, мезе бли марян!.. Молема прудть малас!

(Поладксонц 3-це лопаширеса)

Кефкие отважайхть

Февраль ковста МАССР нь ЦИК-ть председателенц Сурдин ялгаты инициативанц коряс ульсь организовандаф лыжной переход Саранскайста—Куйбышеву. Тя переходса примасть участие 11 ломатъ, сине йоткост 7 комсомолецт. Вов мезе корхтай лыжной переходонь участниксь ЧЕКАШКИН АНДРЕЙСЬ переходть колга:

Мзярда мон кулине тя переходть колга купать, эста мон ламос арьсекшнень сян колга, кода повомс тееньга тя—командати. Омбоце шиня кулине, што командати командоркс путф минь физкультурань преподавателеньке Улисов ялгась. Сяка жа шиня нежедьсь тейке Улисов ялгась и корхтай:—Молят Куйбышеву лыжаса и полнай военной выкладка мархта? Мон тя куляти пак ценерьдень. Эсь прязень лувине, инь счастливайкс сембе студентнень йоткста, сяс мес, мон Чекашкинц, лыжаса воензированной переходса кандан рапорт крайкому и крайисполкому.

Февральть 12-це шистонза 12 частса Советскай ульцясь пашкодсь народта. Ульсь «служащайхть, рабочайхть, студентт и ученикт, сембе учсть, мзярда тейнек максыхть старт.

Йотафтф митингта меле, обедта меле 2 частста шафтынек прязнок противогаснень и макссть тейнек старт.

Ки кувалма цебарьста васьфнесть эсонок сембе велетне, колхозне. Пяк цебарьста васьфемазъ Кочкуроваса, коса лыжникне мольсть каршезнок. Мархтост ульсь РИК нь председателсь, комсомолонь райкомть секретарец и лия общественная организациятнень эзда представительхть. Цебарьста васьфемазъ Маис велесонга, коса йотафтоме беседа од ломатнень йоткса стахановскай движениать колга, военно-физкультурнай работат и лия кизефкснень колга. Од ломатнень кадоме литература. Жадовка велеса колхозницатне тернемзъ инжикс. Тяс жа од ломатнень тонафнем морхт, играт, конатнень эзда од ломатнень илядсть пак довольнайста. Савсь йотамс эзянь велетнень пачкавок, коса йотафнеме беседат родной кяльса-эрякс.

Ашезь шорсе тейнек молема мороза, буранц, конац сембе молема шиньконь эзда уфась каршезнок. Лама вастова пцтай йофси

ашель лов. Аф ваномок тянь лангс минь сембе улеме вясалат и бодрайхть. Ульть стама шит, ульсь стама вармат, што поездтнень лоткафнезь якамда а морозсь пачкодъ кшнесь 38 градусас.

Пара ульсь мялезонк кч кувалма. Цебарьста васьфемазъ Сызраньца, Чапаеваса. Чапаеваса нльне йотафтф ою митинг.

Илядомок Куйбышеву 5 километрат, каршезнок ардсть лыжникть, крайкомолста представитель, крайисполкомть председателец Полбицын ялгась и лия общественной организациятнень эзда представительхть.

Февральть 22-це шинц эзда 4 частста, пачкодем Куйбышев ошу. Ошсь ульсь наряджаф лозунгса, плакатса. Ульцягнень ульсь пшксетъ народта. Морась духовой оркестр. Получае команда:

Валхтомс противогаснень! Командат командороц Улисов ялгась КрайОСО-ть председателенцты ма-ссъ рапорт.

Февральть 23-це шистонза илять тернемзъ крайисполкомть пленумонц торжественнай открытиязонза, коса Улисов ялгась лувозе рапортть, конань макссезь Мордовияста.

Улеме примафт крайисполкомть председателенц Полбицын ялгаты мархта. Сон тейнек студентненьди макссезь кизефкст, кода минь лездтама велестонк колхозненьди. Минь виста азоськ, што лездтама кльдявста. Полбицын ялгась отмечандазе тя афсатыксть и мярьгсь, штоба студенчествось кирьдель соткс эсь колхозсон мархта и макссезь регулярнайста лезкс. Полбицын ялгась мярьгсь, штоба тя переходсь пропагандировандамс, сядя пак мокшэрзятнень йоткса. Минь Полбицын ялгати максоме вал, што сонь указаниязон йотаф пайнек эряфс. Крайисполкомсь минь каземазъ сембе участникнень частса, а командорть Улисов ялгаты именной частса и грамотаса.



Педа пес шнакшнеса Наркомпищепромть работанц.

Аш порядок школаса

Темникав. П. Кецяд велеса ули начальнай школа, коса учителькс работай комсомолец В. М. Кабаевсь.

Школась ащи антисанитарнай состоянияс, унжань котфне стенатнень эзга нюръгхть кода пракстат. Школась сидеста аф ушневи, хотя и улихть пенгата. Кабаевсь пенгятнень мишеньдсыне, кепетьксоньди савомс Осипов А., кона сидеста рамси пенгаты школаста. Тонафнемась вятееи аф регулярнайста. Кабаевсь перемена йоткова ученикнень кошарьсыне бороцьяма, тюрема и ст. тов Кабаевсь занимадай спекуляци-

яса: школаса мишеньди вина, те-традь, сире газетат и ст. тов.

Мзярда урвьясь Кабаевть ялгац—Ульмовсь, Кабаевсь эста симоньц апак лотксек, а школась ся пингть эзда ульсь пякстаф замокса. Учительхне тиеньдсть свадьба йоткова всякай лаца безобразият, пи-кссезь ават, тапазь школань вальматнень. ведаркатнень и ст. тов.

ГСО нь кружковец.

Редакциять эзда: Редакциясь мярьгоньди комсомолонь райкомти и РОНО-ти, штоба хулиганть, разложившай элементть—Кабаевть таргамс ответственность.

ВЛКСМ-нь ЦК-ть путфксоц

1. Поручандаф работати аф добросовестнай отношениянкас, школать работаса афсатыкнень каршес аф тюреманкса и тонафнихнень мархта грубайста обрашандаманкса ВЛКСМ-нь ЦК-ть комсоргонцты Хаменчук ялгати, кона работась Моску ошень Сталинскай райононь 12-це школаса, азомс строгай выговор и валхтомс ВЛКСМ-нь ЦК-нь комсоргокс вастста работаста.

2. Школаса аф правильной методтнень и работаса афсатыкнень ланкс примиренческой отношениянкас валхтомс работаста Харьков ошень 63-це школаса комсоргокс работама вастста Штительман ялгаты.

3. Школатнень эса работат ланкса калдыв руководстванкса и комсоргтнень работасон ланкса руководствань аф вятеманкса азомс выговор Харьковскай ЛКСМУ-нь горкомти.

Мярьгомс горкомти ваномс школаса работат колга кизефксть горкомонь пленумса.

ВЛКСМ-нь ЦК-ть секретарец С. САЛТАНОВ.

Аноклазе ружьянц, тусь. Пауза. Сценать фтала марьяви Степа атянь вайгалец: «Нодама кяши нярь туса? Сценать фтала жа марьяви авань вайгаль: «Тя мон, Семеныч». Сувасть Степа атя. Смиркинсь—нядьсонза сянга.

Степа атя.—Вай, Лексейна, дтонь кодама сязьган веть канни эсот?

Смиркинась.—Кенеремя эсь пингстонза.. Тят шумна, Семеныч!

Степа атя.—(кайгиста). А мес аф шумнамс эсь прудозень ваксса?

Смиркинась.—(Кажиста). Тейть мярьгсть тят шумна и тят!..

Тя монь алязе, (няфтьсь Смиркин Алексейть лангс), сась пялон кона кокс и мархтон сей туйня.

Сценать фтала узавезсь пине.

Смиркинась.—(салаваня). Сайхть.

Степа атя.—(Салаваня). А кие?

Смиркин Алексейсь.—Кулакне варжамот сайхть.

Смиркинась.—Семеныч, макск курокона ружьяценъ алязти, а тон сянгть саяк.

Степа атя.—Ся кода станя, макск?..

Смиркинась.—Станяк! Сон сядя од. Семеныч, курокона штоли!

Степа атя аф охотнайста максозе Смиркин Алексейти ружьянц, сонцъ савозе сянгть. Ну тинь тязк—каль нятнень алу мадода, а мон прудть лангс туян. Кда тинь вакскантт йотайхть, нолдаентть минь кружасайнек.

Смиркин Алексейсь.—Маша,

ськамот каба мезевок..

Смиркинась.—Мезевок, аляй, аф ули мон малазон киньге аф нолдан.

Смиркинась тусь. Степа атянь марата Смиркин Алексейсь няшсть калъ нятень алу. Пауза.

Степа атя.—Коданга, сват, аф шарьхкодса, мезе эряви кяши нярьхненьди?

Смиркин Алексейсь.—Киньди?

Степа атя.—Ну мярьгтяма, кулакненьди..

Смиркин Алексейсь.—А-а, теест, Семеныч, сире власть эряви, вов мезе.. Тш-ш, сайхть.

Пауза. Кфчадсь йондол. Савория сувасть Львовсь, Паранень Костя и Боголюбовсь. Паран Костянь кядьса узерь, а илядыхнень кядьса кшнень каймот. Корхтайхть салава.

Львов.—Сон наверна кошсонза уды (Паранень Костяньди). Арт, аньцек эрьхтьк станя, штоба шум афоль уль.

Боголюбовсь.—Да-да, шум тяза уль..

Паранень Костя коматия тусь кошти. Нежедсь, нулхондсь, мени мрдась.

Паранень Костя.—Сон тоса аф марьяви..

Боголюбовсь.—А пади кудозонза тусь.

Кфчадсь йондол.

Львовсь.—Прудть лангса сон.. (Паранень Костяньди). Валяй, кда карма шумнама, мярьгк: тона боку йотан.. И каят..

Паранень Костя тусь. Пауза. Кфчадсь йондол. Сценать фтала маря

ви Смиркина вайгалец: «Лотки! Кие сайсь? Кирьдиентть!» Марьяви лядема. Действиясь моли пак курокста. Боголюбовсь озонды.

Боголюбовсь.—Господи, повомя!

Львовсь.—Ворьгодемс эряви!

Боголюбовсь.—Пильгене аф молихть.

Кальнятнень алда лиссть Степа атя и Смиркин Алексейсь.

Смиркин Алексейсь.—Вагот синь! Львовть мархта Боголюбовсь тустъ ласькозь. Боголюбовсь прась. Смиркин Алексейсь тусь Львовть мельге.

Сценать фтала ляцсть. Степа атя сянгонц неподезе Боголюбовть вельксс.

Степа атя.—Нолдасайне сюлотнень, кяши нярь! Кепедить кядьтнень вяр!

Боголюбовсь арась плманжанзон лангс, нядензон неподезень вяр.

Боголюбовсь.—(Эняльдиень вайгальса). Минь тонь варжамот, Степан Семеныч, салексолема. Тинь зря тяфта тиеньдытда.. Нолдамак.

Сувасть Смиркинась и Смиркин Алексейсь.

Смиркин Алексейсь.—Шовдаты мархта ашезь пов, ворьгодсь, шайтанць..

Смиркинась.—А нинге шнафат пря:—мон.. партизанан..

Степа атя.—Сяда савор, тапасамасть!

Смиркинась.—А тя кие? (Тостяфтозе Боголюбовть прикладса).

Боголюбовсь.—Тя мон, Марья Лексеевна.

Смиркинась.—«Завхозы!»

Степа атя.—Сон, кяши нярьсь!

Смиркинась.—Ай-ай-ай! «Стяк! (Боголюбовсь стясь, трнаты). А китольхть мархтот?

Боголюбовсь.—М-м-минь С-сергей Степаньч мархта улема.

Смиркинась.—Львовть?

Боголюбовсь.—Д-да.

Смиркинась.—А колмоцесь кие ульсь?

Боголюбовсь.—А-аф с-содаса.

Смиркинась.—(Степа атяньди). Семеныч. кантка фонарьценъ, мольхтяма ванцаск, кинь мон прудть фталу нолдань.

Степа атя тусь кошезонза фонаренкса.

Смиркин Алексейсь.—Маня, кие тя тяфтама ломаньць?

Смиркинась.—Колхозса завхозкс работай, а мес?

Смиркин Алексейсь.—Вайгалец пак ни содаф.

Степа атя кандсь крывястьф фонарь.

Степа атя.—Арька, Лексейна! Смиркин Алексейсь тол валдса оржаста вань Боголюбовть лангс.

Смиркин Алексейсь.—Норака, норака! Д тя кярмас велень попсь, Боголюбовсь!


Боголюбовсь.—Алексей!..

Смиркинась.—А тон коста содасак?

Смиркин Алексейсь.—Д кода аф содамс, мон сонь пялонза кафта кизот работникокс эряни!

Смиркинась.—Ну, ащек ина «азорценъ» ваксса! А минь Семе-

(Пец 4-це лопаширеса) •



Моринша велеса (Украина) крепостной сьора - виднень семьяса 1814 кизоня шачсь великай народнай поэтсь Тарас Григорьевич Шевченко. Теенза савсь няемс и кандомс эсь лангсонза сембе стал моть, конань путнезь украинань трудяй народть лангс украинской помещикне и русской самодержавиясь.

Тарас Шевченко, касомок и эрямок крепостной строить локшени и самодержавиять самодурстванца ала, кеподезе эсь вайгяленц сембе талантонц вийса люпштаф, народть инкса. Сон кеподезе аф аньцек эсь революционно-демократической морснц. Сон ульсь талантливый художник и тясонга эсь виденц старандась путомс сяньди, штоба няфтемс народти врагть—псещикть и оцюзорсь самодержавиять.

Оцюзорсь и сонь жандарманзаняйсть Шевченкоть эзда теест злейшай враг и путозь сонь лангсонза кеньжу и казьяма лапаснон. Синь йорасть повамс Шевченкать революционнай морснц. Шевченкоть эсь моронзон инкса нгразь солдатокс оренбургской крепостнц и сонць Николай I оцюзорсь сьормадсь колганза: „Кирьдемс строжайшай

надзор ала и запрешандамс теенза сьормадомс и рисовандамс“.

Кемонь кизоти Шевченкось ульсь солдатской заточенияса. Но тя заточениясь Шевченкоть мяленц ашезе синьде. Сон сядонга оцю вийса кеподезе эсь моронц, лиссь либеральной и националистической кругть эзда и арась, кода революционной демократ, тюремаса соратник Добролюбовти, Чернышевский, Некрасовти и Курочкиннти.

Омбоце основнй чертакс Шевченкоть творчестваса ащи ся, што сонь моронза, стихонза народнейхть и сонць, кода поэт, ащи оцю народной поэтокс.

Марть 10 шистонза 1936 кизоня топодьсть 75 кизот, кода кулось Тарас Шевченкс. Сонь пяк оцю литературнай наследства ащи оцю вкладкс мировой литератураса.

Счастливай социалистической Украинась марса Советонь Союзонь сембе народтнень мархта йотафнесазь великай поэтть годовщианц. Шевченко тюрсь свободнай, счастливый эряфонкса эсь моронзон вельде. И тyani сонь калмонц вельксса свободнай и счастливый народтне азондсазь теенза эсь свободнай и счастливый эряфсон.

Дементьевсь шорьси сьормас афсодамать машфтоманцы

Саранск. ГОРПО-ть правления эсь рабочаензон эзда лувонды—20 ломань сьормас афсодай и 13 ломань кржа сьормас содайда, но 1935-36 кизоня фкявок занятие апак йотафтт, хотя и ули синьцен платнай педагогна.

Месткомть председателец Дементьевсь мушенды тяфтама туфтал, што синь работниксна работайхть кафта сменава и занятия йотафнемс аш мзярда.

Месткомть председателенц Дементьевть тевфтема шидонза сьормас аф содайхне и сьормас кржа содайхне аф тонафнихть.

Орлов

Заботафтома местком

Саранскаень колхозниконь кудса сьормас афсодамать и сьормас кржа содамать машфтомасна 1935-36 кизоня йотафневсь регулярнайста, занятияненьди якамась цебярель, то мек пядьдень пингть кой-койста ликвидаторхне педтехникумста аф сашендыхть. Кепетьксоньди Юринась февральть 25-28-це шинзон эзда ашезь сашенда, а группась конань мархта занимадай, эрясь тяфтак.

Месткомсь станяжа кальдявставаны сьормас кржа садамасть и сьормас аф содамать машфтоманц шири

И О.

Кяшендьсазь сьормас афсодайхнень

Саранск. ЦИК-нь столовайса тя Месткомсь горононь работникнень пиньгс ниньге улихть—5 ломатть сьормас аф содайхть и 5 ломатть сьормас кржа содайхть.

1935-36 кизоня фкявок занятие апак йотафтт ня ломаттнень мархта.

Юнкорхне сьормадыхть

Вештяма опытт

Зубу. Ламоксть Анаюнь полнай средняй школань ученикне мяргоньцть химиянь преподавательницати Инжеватова ялгати, штоба сон няфтель химияса опытт, но Инжеватовась тянь ланкс кодамовок мяль аф шарфни. Химиянь кабинетсь пяшксе химической прибора, но синь прокс ашихть пюстафста, нльне фкявок опыт ашезь няфне.

Минь полнай средняй школань ученикатне зняльдыма редакцияти, штоба сон максоль тейнек лезкс.

Лиса

Полкатне пяшкодсть товарда

Ковылкина. Ежкань вельпоть председателец Аданкин ялгась цебяреста кярмодьсь работама. Кда инголе кооперацияса мезевок ашель, то тyani кооперациять полканзон пяшкодсть товарда, конат пяк эрявихть колхозникненьди.

Тyani кооперацияса ули керосин, сал, материят истак тов.

Тремаскин.

Безобразиятне аф машнихть

Саранск. Аф весть ни ульсь сьормадф медтехникумонь столовайса безобразиятнень колга, но синьтя пиньгс апак машфтт. Кшида шити должны максомс—0,5 кг, а максихть—0,2 кг. Столовайть заведующаец мушенды туфтал, што ашкши. А койкоста йофси аф максси.

Столовайса лямсь пищеви рдазукотелса, лямса сидеста угадьякшихть унжат, таракатт (3 мартста).

Содамок ня безобразиятнень дирекциясь, комсомолонь комитетсь кодамовок мерат исть прима.

Алексеев.

Аф лувондыхть эсь кяльсост литература

Саранск. Аф ваномок сян лангс, што Рабфаксь мохшэрзянь, и тоса тонафнихть лама мохшет и эрзят, сембе сяка, синь аф лувондыхть эсь кяльсост кодамовок литература, кой-конат нльне аф маштыхть лувомонга мохшекс и эрзякс. Визькс улемаль ся студентненьди, конат юкснесазь эсь, родной кяльснон.

Комсомолка

Тиеда воздействие Егоровть лангс

Зубу. Лама ульсь сьормадф Анаюнь полнай средняй школаса безобразиятнень колга, но синь тя пиньгс апак машфтт. Васендакигс сясваськ школать общежитиянц, коса эряйхть бспризорникне. Общежитиясь эряй якшама, нльнеученикне ушнихть койкаснон эса. Дисциплинась пяк кальдяв.

Колама воспитание директорсь Егоровсь максы учениконзонды? Нурьхкяняста мяргомс, кодамовок аф. Егоровсь ученикнень сонць тонафтыне таргама, папиросаньди максси ярмакт ученикненьди. Общежитияса ученикне мезе йорайхть сян тиыхть, кинь эздонга аф пелихть.

Лебедь.

ШОВДА ВЕСТА (П Е Ц)

нычть мархта ваньсаськ, кодама

“зор” нинге болотаса уеньди.

Смиркинась и Степа атя тусть Смиркин Алексейсь.—(Боголюбовти). Вов и васедем!

Боголюбовсь.—Простиндамак, Алексей..

Сценать фтала маряви толф. Смиркин Алексейсь анонлазе руньинц Смиркин Алексейсь.—Лоткак! кие сайсь?

Боголюбовсь лувозе, што сайсь сонь ялганзон эзда, комась ваксонза ащи кшнинь каймоть инкса.

Смиркин Алексейсь Боголюбовть тостяфтозе пильгса. Эстакиге сценать фтала маряви Сеткинть вайгялец: “Тя мон, Алексей Филипович.”

Боголюбовсь.—А-а, Сеткин ялгась сай..

Сувасть Сеткинць.

Сеткинць.—Тя мезе тага тьса? А коса Степан Семенычсь?

Смиркин Алексейсь.—Вона, сайхть.

Сувасть Смиркинась и Степа атя. Степа атянь кядьса узерь, револьвер и фонарец.

Степа атя.—Позднандайт, Петр Иванович! Вов мезьса синь тюрихть (няфтезе револьверть) кяши нярьхне!

Сеткинць.—А мон заводса удонь, думандань: весь шовда... тоза молихть. А ня трафятнень коста сявиенть?

Смиркинась.—Фкя шавомя.

Сеткинць.—Кинь?

Степа атя.—Паражень Костяны! Боголюбовсь нолд-зе няренц алу.

Сеткинць.—А коса сон?

Смиркинась.—Вона, прудть лангса валяндай.

Смиркин Алексейсь.—Нинге фкя

ворьгодьсь!

Сеткинць.—Кие?

Смиркин Алексейсь.—Львовсь!

Сеткинць.—Но о! Д мезе тя тяфта?

Смиркинась. Корхтатама оду,

Петр Иванович, а тyani валдашка-

дсь ни, Степан Семеныч, и тон,

аляй! Арда тя туткодксть вьтесть

вельсовету, анычек ванода сьада

ладнясь!

Степа атя.—Тят пель, Марь Лек-

сейна, минь тя кяши нярьхть... (Вар-

жакстсь Боголюбовть лангс). Кядь-

нень фталу и марш монь калнень

маласта.

Степа атя анонлазе револьверонц

и Смиркин Алексейть мархта сьавозь

Боголюбовть. Тусть. Сценать лангс

кафонест илядыхть Смиркинась и

Сеткинць. Смиркинась прянь путсы

Сеткинть мяштезонза.

Смиркинась.—Эх, и сизень, Петр

Иванович!..

Сеткинць.—Но мон аф шарьх-

кодьса, мезе тяфта лиссь?

Смиркинась.—(Кепедезе прянь).

Апак шарьхкодтьке-няеви, Петр

Иванович, колхозсонок работасть

бандитт, а минь удомя! Но ужаль

ворьгодьсь Львовсь...

Сеткинць.—Львовсь козонга аф

ворьгоди! Советская страна са сонь

эрь пионерсь тyani кундасы! А тон,

Манюша, м лодецат!

Смиркинась.—Корхтат моло-

дедан?

Сеткинць.—Да, Манюша, моло-

дедат!

Смиркинась.—Ну, катк ина, Петр

Иванович, монь молодецокс шизе

ули ответ тонь кунардонь кизеф-

ксень каршес.

Смиркинась и Сеткинць палай-

хть.

1935 к. ноябрь—декабрь.

Отв. редакторсь Ф. С. РУСЬКИН

Уполномоченный главлит № 446. Заказ № 978. Тираж № 2480.

Саранск типография „Красный Октябрь“ Мордгиза